

STATUTO

de

H. E. J. S.

HISPANA ESPERANTISTA
JUNULARA SOCIETO

JUNULARA SEKCIO DE H.E.P.
(HISPANA ESPERANTO-FEDERACIO)

HISPANA LANDA SEKCIO DE T.E.J.O.
(TUTMONDA ESPERANTISTA JUNULARA ORGANIZO)

Aprilon 1983

STATUTO DE HEJS

I.- ĜENERALAJ PRINCIPOJ

1.- Nomo. La nomo de la organizo estas Hispana Esperantista Junulara Societo, mallongigite, HEJS.

2.- Pozicio.

2.1. HEJS estas la junulara sekcio de Hispana Esperanto-Federacio (HEF) kaj landa sekcio de Tutmonda Esperantista Junulara Organizo (TEJO).

2.2. La estraranoj de HEJS estas en daŭra kontakto kun tiuj de HEF kaj TEJO per reciproka komunikado.

3.- Konsisto. HEJS konsistas el membriĝintaj asocioj kaj individuaj membroj.

4.- Celoj.

4.1. La celo de HEJS estas la disvastigo kaj plifortigo de la ideo kaj instruado de lingvo internacia, kaj, pli konkrete, de Esperanto, precipe en junularaj medioj.

4.2. Rimedoj:

4.2.1. Informado pri la internacia lingvo.

4.2.2. Praktika utiligo de la internacia lingvo je la servo de la junularo.

4.2.3. Okazigo de kongresoj, tendaroj, seminarioj kaj alispecaj renkontiĝoj.

4.2.4. Preparado de la membraro al aktiva partopreno en la ĝenerala Esperanto-movado.

5.- Difino. HEJS estas neŭtrala organizo rilate al politikaj, sociaj, religiaj kaj filozofiaj demandoj, kiuj ne rilatas rekte al la internacilingva problemo, kaj ĝi konsideras bazon de sia agado la aktivan strebado al respekto kaj plenumo de la Homaj Rajtoj.

6.- Sidejo. La sidejo de HEJS troviĝas tie kie la Estraro decidas, kaj ĝi povas esti ŝanĝata.

STATUTO DE HEJS

7.- Lingvo(j). La oficiala lingvo de HEJS estas la lingvo Esperanto, tia kia ĉi estas difinita per sia Fundamento kaj per sia verkaro. Labota lingvo povas esti kiu ajn.

II.- MEMBRECO

8.- Membrokategorioj.

8.1. HEJS havas asociajn kaj individuajn membrojn, kiel ankaŭ honorajn membrojn, honorajn prezidantojn, kaj subtenantojn.

8.2. Asociaj kaj individuaj membroj povas esti gejunuloj, kiuj aĝas ĉis inkluzive tridek jaroj. Escepte, la membroj de la gvidorganoj povas esti maksimume du jaroj pli aĝaj. La aĝo de honoraj membroj, honoraj prezidantoj kaj subtenantoj ne estas limigita.

8.3. Asociaj membroj estas la membroj de la aliĝintaj asocioj aŭ organizoj, konformaj al la aĝolimo difinita en la artikolo 8.2., kaj por kiuj la koncerna asocio aŭ organizo pagas la specifan jaran kotizon.

8.4. Individuaj membroj estas la membroj de HEF kies aĝo konformas la artikolo 8.2. .

8.5. Kiel honoraj membroj povas esti elektitaj personoj, kiuj faris gravajn servojn al la junulara Esperanto-movado.

8.6. Kiel honoraj prezidantoj povas esti elektitaj nur personoj, kiuj, krom plenumi la artikolo 8.5., havis eksterordinarajn meritojn por HEJS.

9.- Asocioj aŭ organizoj aliĝintaj al HEJS.

9.1. Povas aliĝi al HEJS la jenaj esperantistaj asocioj aŭ organizoj:

9.1.1. Junularaj asocioj aŭ organizoj, kies agadteritorio korespondas al unu el la Aŭtonomaj Komunumoj kiuj konsistigas la Hispana

STATUTO DE HEJS

Ŝtato kaj estas organizitaj kiel tiaj.

9.1.2. Lokaj junularaj grupoj aŭ junularaj sekcioj de lokaj grupoj ekzistantaj en lokoj kiuj ne apartenas al la agadteritorio de asocio aŭ organizo aliĝinta al HEJS kiu plenumas la difinon de la artikolo 9.1.1. .

9.1.3. Fakaj junularaj asocioj aŭ organizoj kaj junularaj sekcioj de fakaj asocioj aŭ organizoj je tutnacia nivelo, kiuj plenumas la artikolon 5.

9.2. La asocioj aŭ organizoj difinitaj en la artikolo 9.1. aliĝas al HEJS post akcepto de ties Komitato.

10.- Eksiĝo kaj eksigo.

10.1. Membroj, honoraj membroj, honoraj prezidantoj kaj aliĝintaj asocioj aŭ organizoj, kiuj evidente kontraŭlaboras la celon de HEJS aŭ nekontentige plenumas siajn devojn al la organizo, povas esti eksigitaj laŭ decido de la Komitato.

10.2. La eksigo de la aliĝintaj asocioj aŭ organizoj devas esti skribe deklarita. Ĝi validas ekde la fino de la administra jaro.

10.3. Aliĝinta asocio aŭ organizo, aŭ individua membro, kiu, malgraŭ skriba averto, ne pagis la koncernan kotizon, estas konsiderata kiel eksiginta.

11.- Subtenantoj. Estas personoj aŭ organizoj, kiuj, simpatie al HEJS, finance helpas ĝin. La Komitato fiksas por ili specialan kotizon.

III.- GVIDORGANOJ.

12.- Komitato.

12.1. La supera instanco de HEJS estas la Komitato, kiu konsistas el:

STATUTO DE HEJS

12.1.1. Komitatanoj A, reprezentantaj la aliĝintajn asociojn aŭ organizojn, elekta taj de ĉi tiuj.

12.1.2. Komitatanoj B, elektataj de la in dividuaj membroj.

12.1.3. Komitatanoj C, elektataj de la tu ta Komitato, ĝis maksimuma nombro de unu sesono de la tuto de komitatanoj A kaj B kune.

12.1.4. Komitatanoj Ĉ, membroj de la Estra ro ne jam komitatanoj A, B aŭ C.

12.2. Proporcio da komitatanoj kaj elekto.

12.2.1. Ĉiu aliĝinta asocio aŭ organizo kun almenaŭ kvin aktivaj membroj rajtas al komitatanoj A laŭ la jena proporcio:

* kvin ĝis dekkvin membroj: unu komitatano,

* dek ses ĝis tridek membroj: du komitatanoj,

* tridekunu ĝis sesdek membroj: tri komita-
tanoj,

* sesdekunu ĝis centkvindek membroj: kvar
komitatanoj, kaj

* cent kvindekunu aŭ pli: kvin komitatanoj.

12.2.2. La tuton de la individuaj membroj rajtas al komitatanoj B laŭ la proporcioj difinitaj en la artikolo 12.1.1., kaj la elekto okazas dum oficiala kunveno de HEJS.

12.2.3. Por certigi al HEJS la kunlaboron de spertuloj, la Komitato povas elekti komitatanojn C, ĝis maksimuma nombro de unu sesono el la tuto de komitatanoj A kaj B kune, post certiĝo de ilia preteco kunlabo-
ri efike en la agado.

12.3. Kondiĉoj de komitataneco.

12.3.1. Ĉiuj komitatanoj devas esti membroj de HEJS. Ĉiuj komitatanoj estas samrajtaj kaj reelekteblaj. Ĉiuj komitatanoj estas ekselekteblaj per la sama proceduro per kiu ili estis elektitaj.

12.3.2. La ofico de la komitatanoj daŭras

STATUTO DE HEJS

unu jaron.

12.3.3. Ĉiu membro de HEJS rajtas havi nur unu komitatanecon.

12.4. Komitatano A, kiu ne povas partopreni kun sidon de la Komitato, devas nomumi anstataŭanton, skribe aprobitan de la koncerna asocio aŭ organizo. La anstataŭanto devas esti membro de HEJS, kaj havas dum la koncerna kunsido la samajn rajtojn kiel ĉiu alia komitatano. Komitatoj B, C, Ĉ ne estas anstataŭeblaj.

12.5. La Komitato:

12.5.1. Elektas la Estraron de HEJS.

12.5.2. Rajtas elekti honorajn membrojn kaj honorajn prezidantojn.

12.5.3. Difinas la ĝeneralan agadon de HEJS.

12.5.4. Decidas pri la aliĝo kaj eksigo de asocioj aŭ organizoj.

12.5.5. Decidas pri la eksigo de individuaj membroj, honoraj membroj kaj honoraj prezidantoj.

12.5.6. Decidas pri regularoj.

12.5.7. Diskutas kaj aprobas la jarbilancon kaj la buĝeton.

12.5.8. Fiksas la kotizojn.

12.5.9. Decidas pri la agado de la Estraro.

12.5.10. Decidas pri la aferoj ne rezervitaj al la aliaj organoj kaj rajtas decidi en ĉiuj aferoj pri kiuj kompetentas la Estraro.

13.- Estraro.

13.1. La Estraro konsistas el: prezidanto, unu aŭ du vicprezidantoj, ĝenerala sekretario, estrarano pri financoj, kaj laŭbezone pliaj estraranoj; kaj ĝi estas elektita de la Komitato. Ĉiu membro de la Estraro oficas dum du jaroj kaj povas esti reelektita.

13.2. La Estraro:

13.2.1. Plenumas la decidojn de la Komitato.

STATUTO DE HEJS

- 13.2.2. Nomumas la redaktoro(j)n de la presorgano(j) de HEJS.
- 13.2.3. Decidas pri la loko kaj daŭro de la kongresoj, tendaroj, seminarioj kaj alispecaj renkontiĝoj de HEJS.
- 13.2.4. Kreas novajn servojn.
- 13.3. La prezidanto reprezentas al HEJS kaj subskribas kun la ĝenerala sekretario la ĉefajn dokumentojn, prezidas la Komitaton, la Estraron kaj la kunvenojn de HEJS.
- 13.4. La vicprezidantoj, laŭbezone, anstataŭas la prezidanton.
- 13.5. La ĝenerala sekretario zorgas pri la efektiviĝo de la decidoj de la Komitato kaj de la Estraro, aranĝas la jaran raporton pri la agado de HEJS.
- 13.6. La estrarano pri financoj administras la monaferojn de HEJS.
- 13.7. Ĉiuj la estraranoj plenumas laŭbezone komisiitajn taskojn.
- 14.- Redaktoro(j) de la presorgano(j). Plenumas siajn redaktajn taskojn laŭ la ĝenerala gvidlinio difinita de la Komitato, kaj respondecas al la Estraro.
- 15.- Komisionoj kaj komisiitoj. En la kadro de sia kompetenteco, la Komitato aŭ la Estraro povas elekti specialan komisionon aŭ komisiito(j)n por esplori iu(j)n problemojn aŭ por plenumi difinitajn taskojn. Post la plenumo de la tasko, ĉiu komisiono aŭ komisiito devas skribi raportojn al la elektinta organo.
- 16.- Labormaniero de la Gvidorganoj.
- 16.1. La Komitato kaj la Estraro kunvenas almenaŭ unu fojon jare laŭbezone.
- 16.2. En la voĉdonadoj, validas la plimulto de la voĉdonintoj. Okaze de voĉegaleco decidas la prezidanto de la koncerna gvidorgano. De-

STATUTO DE HEJS

oidoj, kiujn partoprenis malpli ol duono de la rajtanoj, devas esti submetita al poŝta skriba voĉdono, en kiu sufiĉas la plimulto de la voĉdonantoj.

IV.- FINANCOJ.

17.- Enspezoj; Ĝia utiligo.

17.1. La enspezoj de HEJS konsistas el:

17.1.1. Membrokotizoj.

17.1.2. Monprofito de la agadoj de la organizo.

17.1.3. Donacoj, heredaĵoj kaj subvencioj.

17.2. La enspezoj estas utiligataj por kovri unue la enbuĝetigitajn elspezojn kaj la administradon de HEJS.

V.- ĜENERALA VOĈDONADO.

18.- Okazigo.

18.1. Ĝi okazas:

18.1.1. Se la Komitato, aŭ, okaze de urĝeco, la Estraro tion decidas.

18.1.2. Se la aliĝintaj asocioj aŭ organizoj reprezentantaj almenaŭ kvaronon de la membro ĝin postulas per sia skriba subskribo, en tempolimo de kvardek kvin tagoj, kalkulita de la unua ĝis la lasta skriba postulo.

18.1.3. Se almenaŭ kvarono de la individuaj membroj ĝin postulas per sia skriba subskribo, en tempolimo de kvardek kvin tagoj, kalkulita de la unua ĝis la lasta skriba postulo.

18.2. La ĝenerala sekretario ĝin aranĝas plej malfrue kvardek kvin tagojn post ricevo de sufiĉa nombro da skribaĵoj postuloj.

STATUTO DE HEJS

18.3. Tiu voĉdono esprimas sin pri demandoj submetitaj de la instanco kiu postulis la ĝeneralan voĉdonadon.

19.- Kalkulo de voĉdonoj.

19.1. Ĉiu aliĝinta asocio aŭ organizo havas nombron da voĉdonoj egalan al nombro de siaj asociataj membroj, por kiuj la kotizo estas pagita je la dato de aranĝado de la voĉdonado.

19.2. La individuaj membroj voĉdonas individue; ĉiu membro rajtas al unu voĉdono, kiu ne povas esti delegita al alia persono nek organizo.

19.3. En la voĉdonado validas la plimulto de la esprimitaj voĉdonoj. Por ŝanĝi la Statuton aŭ malfondi la organizon, necesas almenaŭ du trionoj de la esprimitaj voĉdonoj, kondiĉe ke tiuj voĉdonoj reprezentu minimume la duonon de la membraro.

20.- Kontrolo. La ĝenerala voĉdonado estas skriba, kaj la voĉdonoj estas kalkulitaj kvardek kvin tagojn post la forsendo de la voĉdoniloj. La voĉdonojn kalkulas persono proponita de la instanco kiu postulis la ĝeneralan voĉdonadon, en ĉeesto de tri membroj nomumitaj de la Komitato de HEJS. Ĉiu kontrolinto skribe certigas la ĝustecon de la proceduro.

VI.- ŜANĜO DE LA STATUTO.

21.- La Komitato de HEJS kompetentas pri ŝanĝo de ĉi Statuto. Pri la statutŝanĝoj, la ĝenerala sekretario informas al la estraroj de HEF kaj TEJO.

VII.- MALFONDO DE LA ORGANIZO.

22.- HEJS malfondiĝos laŭ propono de sia Komitato post ratifo per ĝenerala voĉdonado en kiu voĉdonis favore al tiu decido almenaŭ du trionoj de la membraro. Post la malfondiĝo de HEJS ĝia mono kaj havaĵoj apartenas al H.E.F.

VIII.- VALIDIGO DE LA STATUTO.

23.- Post la akcepto de ĉi tiu Statuto ĉesas validi ĉiuj antaŭaj reguloj kiuj kontraŭas ĝiajn principojn kaj regulojn.